

Hordaland



Bømlo kommune

Bømlo kommune, med ein desentralisert busetnad, skal ha nærmiljø og lokalsamfunn som bidrar til å fremme folkehelse der folk bur.

Delmål 1: Auke kunnskapen om korleis nærmiljøet påverkar folkehelsa i små lokalsamfunn, og om ulike nærmiljø i same kommune gir ulik påverknad på helsa. Identifisere positive og negative faktorar i dei ulike lokalsamfunna.

Delmål 2: Teste ut kombinasjon av ulike metodar for kartlegging av folkehelse og nærmiljø

Delmål 3: Utvikle eigna metodar for samarbeid mellom kommune og nærmiljø, gjennom å utvikle grendautvala som paraplyorganisasjon og talerør for frivillige organisasjonar og befolkninga i lokalsamfunnet, og som mellomledd mellom lokalsamfunnet og kommunal administrativ og politisk leing.

Delmål 4: I samarbeid med nærmiljø og grendautval legge grunnlag for konkrete tiltak som kan utvikle nærmiljøet i helsefremjande retning. Mobilisering og eigarskap er viktige faktorar.

Kommunen har valt ut 3 lokalsamfunn til prosjektet, som på kvar sin måte har ulike kvaliteter og utfordringar å bygge prosjektarbeidet på, Rubbestadneset – eit industrisamfunn, Moster eit historisk samfunn og Espevær eit øy samfunn.

Målsetjinga i første del av prosjektet er å observere utan å legge føringar for kva ein venter å finne. Det er eit ynskje å få så brei deltaking frå dei valde aldersgruppene som mogleg, for å få fram breidda i dei tilbod som fins i lokalsamfunnet. Ein har difor valt å ikkje nytte representasjon i form av nøkkelpersoner, interesseorganisasjonar eller fokusgruppeintervju.

Planlagde metodar gjennomført hausten 2017 (vekene 42,43, og 44)

- **Kartlegging av aktivitetstilbod:** Grendautvalet får i oppdrag å skaffe oversikt over alle aktiviteter/fritidstilbod som finns i lokalsamfunnet, og plote disse på eit stort flyfoto over området. Planlagt veke 42-44 i 2016
- **«Ut av huset-kartlegging»:** Semikvantitativ metode der informantane skal markere på eit kart kor dei går når dei ikkje er heime eller på arbeid/skule. Kartet vil vere detaljert for nærmiljøet, mindre detaljert for heile kommunen, og med skriftleg påført sted der dei er utanfor kommunen, siste 30 dagar. Kartlegginga er tenkt avgrensa til 5.skuletrinn, 8.skuletrinn og 10.skuletrinn. Tilsvarande kartlegging i aldersgruppa 67-79 år. Undersøkinga skal gjerast anonymt, og svara overførast til eit oppsummeringskart for dei ulike aldersgruppene. Kartlegging av skuletrinna skal nyttast i all områda. Planlagt veke 42, og vert utført på skulane.
Begge disse metodane har element av sosiokulturell stedsanalyse (social-spatial methodology).
- **Spørjeundersøking:** Opne spørsmål om lokalsamfunnet og kva påverknad det kan ha på helsa til dei som bur der. Samarbeid med frivillige organisasjonar og skule for å nå alle og motivere til deltaking. Kartlegginga er tenkt avgrensa til 6., 7. og 9. årstrinn i skulen og til aldersgruppa 67-79 år. Spørjeskjema skal svarast på anonymt. Skal av skuletrinna nyttast i områda Moster og Rubbestadneset, men ikkje Espevær. Spørjeundersøkinga i aldersgruppa 67-79 år vert utført i veke 42-44 og spørjeundersøkinga på skulane i veke 42.